

# O LOBO E A SÚA SITUACIÓN, SEGUNDO OS

**Cal considera o seu grupo parlamentario que é o estado de conservación da poboación de lobos en Galicia?**

**Hai que revisar ou facer un novo Plan de Xestión do Lobo que substitúa ao aprobado no 2008? En que sentido?**

Gonzalo Trenor  
PP



Con arredor de 90 manadas reprodutoras, as poboacións de lobo, en termos xerais, mantéñense estables en Galicia dende hai 15 anos. Nin están en retroceso, nin tampouco se teñen disparado. Pode ocorrer un incremento en lugares concretos. Neste sentido, a administración está cumprindo desde hai anos coa principal finalidade do plan de xestión que é manter unha poboación estable da especie.

Queremos actualizalo co fin de poñer ao día a regulación, garantir a viabilidade do lobo e compatibilizar a súa coexistencia co mundo rural e coas actividades gandeiras. Actualizaremos a zonificación do seu ámbito de aplicación e as medidas de xestión a aplicar.

Patricia Vilán  
PSdG



Non é doado contestar a esta pregunta. Aínda que o dato oficial dunhas 90 mandas de lobos en 2014 non é un mal dato, o goberno da Xunta de Galicia non ten ningún tipo de plan nin protocolo de actuación con relación ao lobo. Quizás por iso, a súa "mala fama".

Calquera das dúas opcións son boas e, se a revisión é moi profunda, sempre é mellor a substitución por un novo.

Marcos Cal  
En Marea



O estado de conservación do lobo soamente o deben marcar os estudos científicos, con plena rigorosidade e imparcialidade. Mais non abonda co parámetro demográfico para avaliar a situación do lobo. É preciso tamén diferenciar poboación total de poboación efectiva (reprodutora) e ver se esta garante a conservación da especie debido a unha viabilidade xenética descoñecida en boa medida, atendendo á funcionalidade ecolóxica do lobo nos ecosistemas.

Antes hai que facerse outra pregunta: Dos seis puntos do Plan de Xestión como obxectivos prioritarios para conseguir a coexistencia entre esta especie e o mundo rural, cantos foron postos en práctica? De nada vale facer novos plans se ao final non existe un compromiso real en que estes se cumbran.

Xosé Luis Rivas  
BNG



Existen certos intereses en facer ver unha Galicia inzada de lobos. Mais cando un acode á opinión de expertos e investigadores apréciase que a realidade é ben diferente, manténdose unha poboación estable. Carcerías ilegais, lazos, venenos, son os que están regulando a súa poboación. O lobo merece políticas que defendan a súa conservación, que fagan entender o seu papel como especie natural e salvaxe e, sobre todo, que resolva a conflictividade co gando.

O fracaso ao que asistimos débese a un incumprimento case total da maioría das accións previstas. O plan foi e é papel nun despacho. Sempre que a cousa se tensou, pola aparición de presións por danos á gandería, a solución ao tema foi dar batidas. Esta situación permítelle á Xunta practicar populismo e demonizar o lobo, para distraer a atención das verdadeiras carencias e problemas do noso rural.

# VOCEIROS E VOCEIRAS DO PARLAMENTO GALEGO

Cerna/Redacción

Como valora a política de pagos por danos e por prevención da Xunta de Galicia?	Que medidas concretas se deberían estar tomando de inmediato para evitar ou mitigar a conflictividade social do lobo?	Voces expertas cuestionan a efectividade das batidas de lobo, mesmo indican que poden resultar contraproducentes...	ADEGA sitúa entre 200 e 300 o número de lobos que morren anualmente a mans de furtivos. Como se debería atallar este problema?
<p>Concédense desde 2004. Neste ano impulsaremos a revisión dos baremos, co fin de establecer axudas máis xustas e áxiles para os gandeiros. Para iso, manteremos reunións coas organizacións agrarias, de gandeiros e sindicais, entre outras.</p>	<p>Creemos que temos que apostar pola prevención dos danos. O ano pasado apoiámos subvencionar elementos de prevención e seguiremos apoiando esta vía.</p>	<p>As batidas só se autorizan como medida excepcional, sempre seguindo o estipulado no Plan de Xestión do Lobo. Non é certo que se teñan incrementado nos últimos anos. Por exemplo, o ano pasado só se autorizou unha batida en A Coruña e catro esperas en Pontevedra, sen terse producido a captura de ningún lobo.</p>	<p>Na lei xa se establecen os mecanismos mínimos de protección necesarios para garantir que a práctica da caza non sexa unha ameaza para a viabilidade das especies silvestres, sendo polo tanto motivo de denuncia e posterior sanción calquera actuación que se desvíe do estritamente autorizado, e que supoña unha infracción tipificada na normativa de aplicación. Hai que aplicar a lei.</p>
<p>Son tremendamente escasas e o procedemento para a súa concesión é excesivamente longo e ineficaz. A valoración é negativa.</p>	<p>É necesario actualizar os datos, a zonificación e, sen dúbida, tamén as indemnizacións e os procedementos de concesión, para axilizados.</p>	<p>Esta é unha cuestión que han de valorar os técnicos; en calquera caso, non as desaconsellan cando xa son inevitables.</p>	<p>Descoñezo se os datos de ADEGA reflicten a realidade, mais o furtivismo só se combate dunha forma: con maior inspección.</p>
<p>De 2007 a 2009, os pagos ás persoas afectadas eran aceptablemente rápidos. Coa entrada do PP no goberno, comezaron a atrasarse. A política de axuda para actuacións de prevención de ataques considerámosla nefasta, mentres existiu, xa que leva anos sen convocarse. A prevención debiera ser a ferramenta que se incentive e os pagos de danos deberan estar asociados a boas prácticas e deberan ser xustos.</p>	<p>Posta en marcha dunha vez por todas do Plan de Xestión do Lobo, activando de xeito inmediato eses seis puntos declarados como obxectivos prioritarios, sobre todo os puntos C) D) E) F). Desterrar definitivamente os controis letais, o lobo debe deixar de ser unha especie cinxética, e mellorar os mecanismos de compensación por danos. Os gandeiros deben ter un traballo profesional detrás que debe ser incentivado e o papel dos medios de comunicación é fundamental.</p>	<p>O que a ciencia nos di en diversos traballos tanto europeos como norteamericanos é que o incremento das mortes de lobo – e de calquera outro gran depredador – incrementan os danos. Polo tanto, son totalmente contraproducentes.</p>	<p>Non ten unha solución a curto prazo. Está demostrado que a caza “legal” estimula a caza ilegal. Deberíase acabar co control letal, protexer a especie e evitar mortes. Por último, a gardería de medio ambiente de Galicia debería estar máis dotada de medios, formación, apoio profesional e xurídico, etc.</p>
<p>Págase pouco, mal e moi tarde. E isto réstalle credibilidade a un instrumento que podería ser moi útil, pois a xente deixa de confiar nel. As valoracións dos danos están moi por debaixo do valor real, e non se contempla o lucro cesante nin os danos na cabana residual. Esa gardería non rexistrada, catro ou cinco cabezas por casa, é preciso tela en consideración.</p>	<p>Máis prevención, asesoramento e cursos. Tratamento detallado das explotacións máis permeables aos ataques determinando as medidas máis acidas e como mantelas no tempo. Os pagos deben atender a criterios de temporalidade e xusta valoración e do posible lucro cesante. Vemos necesaria unha sutil e seria campaña en positivo de concienciación a prol do lobo como ben necesario para o equilibrio natural do noso País.</p>	<p>Desde o BNG non vemos a efectividade das batidas máis alá de canalizar a xenreira e cabreo dos gandeiros afectados e que non reciben as axudas en tempo e en contías lóxicas. Debe ser o último e excepcional recurso nun hipotético suposto de sobreposición que non se dá nestes momentos.</p>	<p>Ninguén debería poder actuar delinquindo impunemente. O que cabe, pois, é facer cumprir a lei e tomar en serio o problema.</p>